

四庫全書

集部

欽定四庫全書

集部  
元詩選二集卷十二

詳校官中書 臣 王 鵬

主事銜 臣 徐以坤 覆勘

總校官編修 臣 王燕緒

校對官檢討 臣 溫常綬

謄錄監生 臣 李煥霞

欽定四庫全書

元詩選二集卷十二

庶吉士顧嗣立編

李祕書孝光

孝光字季和温州樂清人少博學篤志復古隱居教授白野台哈布哈常師事之行臺御史屢薦居館閣至正七年詔徵隱士以祕書監著作郎召與汪扎勒圖濟爾噶朗董立同應詔赴京召見於宣文閣進孝經圖說順帝大悅賜上尊明年

陞文林郎祕書監丞卒於官年五十二所著詩  
文曰五峰集季和為人美髯偉幹茅山張伯雨  
贈詩有孰與言詩李髯叟載聞新作過黃初之  
句居鴈蕩山五峰下自號五峰狂客嘗曰余家  
距鴈山五里近四方客游者或舍止吾家歲率  
三四至山中一日與張子約陳叔夏從家僮兩  
持傘網杖屨時落日射山歸鳥相呼殆不類人  
世燈下相顧蒼然無語夜半取酒沾醉設榻對

卧不知巖下宿也有鴈山十記

箕山操和鐵雅先生首唱

一作為  
許生作

箕山之陽兮其木樛樛箕之冢兮白雲幽幽

乾坤清氣  
作箕之冢

兮白雲悠悠  
之陽兮其木樛

彼

一作  
夫

世之人兮孰能遺我以憂雖欲

從我

一無  
我字

兮其路無由朝有人兮來飲其牛

鐵雅評曰  
善作琴操

然後能作古樂府和余操者  
李季和為最其次夏大志也

沂有梁

沂有梁兮維鯉維魴沂之兩崖兮有棗樹桑居沂之人

分寬裕而善良古之人古之人兮翺翔余其歸老兮沂  
之南東

餅有粟

并序

友人張子約名其齋顏樂余見而訊之則曰吾  
姑以自名吾烏知所謂顏子淵彼固不自知而  
孔子知之吾又烏知吾之樂凡吾所為自名亦  
以待夫吾知者爾余於是為之作餅有粟

餅有粟兮孰云吾瘦居有宮兮孰笑吾

一作余

陋御冬有

褐兮又烏用夫

一作手

文繡人余哀兮余不

一作莫余

知入事

父與母兮出從仲尼謂蠨蛸兮無胃吾戶吾歎歌兮其

下

擇木為妻所性作

并序

孔子去衛歎曰烏能擇木木豈能擇烏乎余將  
去楚而適吳越竊有感於斯言故作擇木

提提兮飛鳥翔而集兮於木場有委粟兮而余之不欲  
樊則有棘兮非余之樂鷲則不仁魯莫余毒又集于陵

毋墜於矰豈不知兮有命嗟今之人兮不仁

釣魚

上山而笑兮下而釣魚豈如他人兮唯富貴之求三公  
執柄兮念子之多才將子歸輔兮誰繫駒功成而歸兮  
來從余遊

有樊

有樊有樊樹余以孫胡不蕭艾蕭艾實鯨彼繁胡治刈  
而為芻嗟人有邑曾不是圖匪余孫之病余聞有命



君乘馬送彭元亮

一本題作所思

君乘馬兮余追於丘君乘舟兮余望於沙遠而不見兮  
涉江與淮豈無人兮余望余之所思鴻鵠高飛兮孰知  
其志道之將行兮又將焉求

擬妾薄命

妾薄命當語誰身年二八為嬌兒阿母

一作婆

歲歲不嫁

女二十三

一作歲復一歲

顏色衰天公兩手搏日月下燭萬

一作百

物無偏私奈何醜女得好匹

一作配

一生長在黃金

閨美人如花不嫁人父母既

一作已

沒諸兄疑寄書東家

小姑道得嫁莫擇君塔好他人好惡那得知失時不嫁  
令人老

蓮葉何田田

蓮葉何田田宛在水中央別離不足念亦復可憐生蓮  
葉何田田見葉不見水貧賤貧賤交富貴富貴友花生  
滿洲渚不復葉田田持身許人易持心許人難

長干行

秋風從西來吹我庭前樹聞歡在揚州却憶一作姑蘇  
住估客離長干教儂寄書去

一車南送孔博士

一車南一車北山川悠遠無消息野風吹草朝日黃羈  
旅獨憎締綵涼男兒生身高七尺何苦一作相思損顏

色西市日日賣鯉魚魚中會有而一作寄書

吳趨曲送薩天錫

四座並清聽有客歌狹邪狹邪不可聽聽我為爾歌吳

趨美人珠被貂諸于美人寶釵有九雛美人投我明月珠

采蓮曲送王伯循

采蓮江之南采蓮江之北采蓮何所有但采蓮中意早  
聞別離苦當爾不願從前作相識縱令別離不復相憶

雲之蒸三首

錄一

五日一風十日雨涼著稻花香著土秋風擺稔黃粘天  
千家萬家狂欲舞溪頭大笑語向人溪南出雲溪北雨

采蓮曲二首為

一作與

魯子翬作

此詩體要  
作一首誤

采蓮復采蓮蓮生隔江水不愁無舟楫但愁波浪起  
采蓮復采蓮水深不得歸兒饑須母哺當令阿誰飴

送且迎

曙月疎星天欲明馬鳴蕭蕭予且行行雖不遠思汝切  
重是兄弟難為情星如撒沙天欲暝稚子候門人汲井  
還車在郊予復返簷隙持燈笑相領

羽林

公子被我白纜裹公子遺我明月珠孤兒假父云姓劉  
其官高於五諸侯公子之恩何日酬

大星

大星在天小星落城頭嗚嗚吹畫角津吏擊鼓河上船  
行人草草居人憐男兒隨地弧矢願南北東西君莫怨

桐江

朝取鱸與鮑莫取魴與鱖賦民無一作念令困革盡毛安

處一作傳我欲言之大將軍家將軍不見省奈何減民租

將軍出乘大馬入乘高車

東里

葛之漫漫毋敗我垣河水之清

一作清

毋齧我稻田余甚

勞苦彼黔不知余將遂歸其畬其菑東里之老聞余言  
而嘻余曰歸哉

蕭蕭饑馬鳴

蕭蕭饑馬鳴隔林見落月游子慕父母

一作老

宣復畏脫

別負書或在船津吏已催發臨觴不能持怙悵生白髮

況是江海永歲晏多風雪風雪塞中路不隔游子轍平

生四方志念此心欲

一作亦

折男兒各有願君子保明哲

上思娛尊親下以浣悃潔

### 青天有鵬鷖

青天有鵬鷖一日飛萬里橫絕四海上孤兔草間死平生精悍姿垂翅當清秋且須養六翮莫使羣鬼愁

### 魯氏怡雲堂

山有雲兮為雨滂沱山有雲兮媚汝維何山中之人兮



和樂而有儀，余心休休乎。媚余匪他，休而有容乎於余。  
寤歌。

題朱澤民畫

鼂余升兮良常之顛，莫棲余兮良常之下。謂良為常兮，  
誰哉暴者。余守余篋，毋侈其祛。篋中之藏，孔子之書。謂  
堯湯賢，謂商辛愚。孰憎是言，我復其餘。孰好之者，往餽  
一鴟。

歸來

有憐孺子衣之孤裘匪余之病余以為仇既撰余杖升  
望於丘江不可涉夕具余舟

福源精舍

采舟兮渙渙風將起兮無岸渚花兮白紅若有人兮為  
粲相我樂兮未殫時幾何兮日旰極浦兮水深下有兮  
龍吟洞簫作兮波浪湧送將歸兮於南諒佳人兮未遠  
令我思兮何心颼風兮吹人曾波兮粼粼掇芳草兮寄  
遠與我期兮陽春

黃鵠謠題余節婦詩卷

黃鵠黃鵠牝牡相隨遊於四海不識別離始妾結髮時  
與君年相齊一朝納伉儷百歲以為期奈何乎中路而  
捐子與妻且君之徂妾逢百罹父母將我去親戚奪我  
志言云為我計長久祇令增傷悲憶君垂訣託我孤兒  
我嗔君言奈何見疑晨起作羹與糜欲持飴阿誰嗟我  
不如黃鵠將子與婦至死相隨飛我寧用生為我寧用  
生為衆人何知維餘天知

春草謠為華彥清作

春草何離離春陽何遲遲萬物沐膏澤百草獨光輝  
光輝被下土天公本無私男兒生身長大賢知母恩未報  
何用兒為何以報母手中線冬溫枕席夏揮扇

滁水

滁水兮滔滔其坎兮有蛟謂子兮無濟遂濟兮無匏使  
余兮心懨一作愀其幽兮有虎啄害人兮不吐謂余兮無  
斧又無兮強輔曾是分弗顧獨奈何而一作分逢其怒

岐山小隱圖

我思岐山無日不思彼岐出雲亦返於岐思何不歸孰  
言岐遠舟則在川車則在坂維岐之陽有棗於桑余歸  
之不遑余心之傷

張本之春暉堂

泰山有嘉樹上與青雲齊枝枝濯晨露葉葉含華滋有  
鳥巢其顛羽毛金色芝鳳皇生九子一一好光儀母食  
九子哺母飛九子隨嗟我有父母常願千歲期父兮捐

我去今獨與母居願母加餐飯且勿念兒饑願母增袴  
襦勿念兒未衣壽命懸皇天皇天豈無私莫作冬日促  
願如春日遲

賦天薌

我登鳳皇山夜半望跋烏高秋爽氣豁金莖露塗塗青  
天一浩蕩掛此白玉壺嵯峨千里水下連江與湖月脇  
亦何有丹桂八九株山河孕靈氣白兔不受呼仙人騎  
鳳皇翩然上清都神女皆青腰共守明月珠五老顧之

笑帶劒立玉除歸來夢猶洵醉坐錦氍毹

送僧朴庵用柯敬仲韻

月行天中央天高如屋極中有雪色免世人不能識一作

下土人不識

我曾摩其鬚

一作頂

仙吏晚我側衆仙

一作世人

乞秋

毫一作毫光

密如霧雨塞蹴踏河漢翻

一作搖

洵涌若秋沙是

誰致一作知

此奇南有彌天釋仙吏今上天

一作去去不復念

令

人淚霑

一作橫

臆

按王逢梧溪集云惇疏朴庵黃巖人趙宋宗室裔光輩胡石塘門生也祝髮為

沙門壯游金陵與五峰李孝光並受知梁王一日公引柯九思見柯以寫竹遂親幸王即位獨召用柯李後送

公詩云云若不能無慨者公兩主名利退老雲間以壽歿所著有松石棗

靈隱十詠

靈隱寺

南州綿西極大山樹崇闕經營緬齊梁宏麗自吳越玉水生虹蜺金樞孕初月稍高得縱觀川流淨如髮

冷泉亭

寒漪亂方折倒景盪晴宇濫觴側江海盈縮見寒暑下土方旱暵神物闕霖雨水上有佳人不得與之語



蓮花峯

怪石蟠厚地神功謝琢飾水深玉井凍風多日車側空  
聞涉江詠尚見嘉樹惜匪石有遺誠我心不可易

飛來峯

石室藏素猿丹穴養玄鷲刻畫鬼力窮疏鑿禹功舊貝  
葉多蟲魚璞玉泯螭紐棟宇何王作後人遂奔走

鍊丹井

人生百歲期乃欲比金石鬼神守丹火龍虎泣玄液寒

泉石已凍繁露秋易碧往者汲井生高舉有飛鳥

呼猿洞

猿靜不自採棲宿有常處朝飲既在澗莫止俄在樹冥  
冥青楓林上有飛鳥路思爾不可見去隱南山霧

水臺盤

幽幽南山下中沚有敬石窪尊絕制度曲流泛  
醪液自鑑媿濯足臨深懷衽席惟應洗心者能  
使百慮釋

翻經臺

高臺亦荒蕪雲氣久已寂伊人樹白業後來念遺迹蟲  
魚出華言科斗藏壞壁嗟然不可見風雨日易夕

高峰塔

地勢傾東維華岳持厚載靈戶俯河漢孤標拔江海初  
日謝芳暉蛻蛻貫華采揚舲指吳粵遙見出晻靄

龍泓潭

陰風肅然至神物在洞府電火走石間虎氣上幽處泄

雲無時出積雪自太古  
蝓蟠混泥塗作解致雷雨

寒汀小景圖為去疾監丞作

秋氣向黃落小雨收虹霓  
綿綿溆浦間水乾見塗泥  
蘆人往何處艇子亂鳧鷖  
飛鴻惡見欺決起無東西  
江水動落日羣飛終不迷  
豈無稻粱願湖海尚擇栖  
冥冥一高舉不知弋與弔  
感此三太息北風吹草低

題梅石為王集虛尊師書紙屏上

北風吹倒山三日雪塞門  
悵悵巖谷裏萬木命在根  
天

翁粲然笑洗出明月魂春如鼎中香已覺火力溫

和天錫郎中城字韻

朝登石頭戍暮還建業城野花滿嘉樹芳草亦復生日  
夕城郭暗仰見天星明登高地勢壯誰謂東南傾

雜詩四首

高堂風雨夕深夏生微清但驚秋氣至壁間蟋蟀鳴起  
坐念始衰遂令百歲并前修諒非遠學道何由成哲士  
不言命烈士恒徇名放歌淚欲出乃復有吾生

芳草搖微風幽花泣輕露清晨有佳氣力疾坐南戶感  
懷聊寤歌思遠屢延佇吾道未褊迫誰能自勞苦俯仰  
塵世中煉修亦何補所以王子喬陋世自輕舉

北林有秋聲夜靜獨先聞寒暑迭相謁萬物何芸芸深  
坐百憂息仰見孤飛雲嗟予亦有念誰哉致夫君

美人不可見夕河在雲端金莖高露墮玉井碧梧殘雞  
鳴成天旦蟲語傷夜寒同心疲夢寐遙知行路難

登任玉女仙臺

東崦有仙臺仰見地勢隔冬日轉清麗過午得散策山  
花亦逶迤山鳥鳴始磔微行大松下其石盡玉脈路經  
福鄉井帝子動精魄會意一莞爾吾道未褊迫阮籍竟  
何物但作眼青白何如張山人有此捫蝨客

夏日荷亭即事

辟暑何所適南亭俯中渚鷗鷺了不驚況復涼入髓水  
華露未晞香氣紛綺旒美人美無度嬋娟照江水滢滢  
玉雪姿何能畏袿暑南風從天來入我懷袖裡高氣行

青雲且置吾白羽邇來不飲酒煮藥咽香蕊羣賢政自  
佳有作動盈紙但恐清興闌遭此催詩雨

天台謠送人還山

前年過天姥夜起窺扶桑碧海三萬里日出吐九芒飛  
光上瓊臺瓊臺與天通積雪自混沌却在元氣旁龍駒  
啗靈芻白石皆白羊神人久不死奇氣凌蒼蒼手把青  
筠杖身著雲錦裳倒影照滅沒飄飄渡銀潢其中學仙  
子面白雙瞳方能讀八瓊書再遷凋年芳暮入雷電室



朝窺朱雀窗被謫向下土不使通綠章真宰遭其怒叱  
咤欲發狂見我鳳皇山一別憶卅霜瞳子照人碧十日  
飛電光自言得賜還復侍紫極宮去君五百歲共會安  
期生別後倘相憶山頭吹玉笙

按五峰五言古詩頗似李太白喜言仙家事而

語意雷同祇擇其尤者存三四篇餘俱不錄

九月一日李晉仲張子長張仲舉蔡行之載酒西  
湖是日會者凡九人分韻得采字

積水生秋陰旭日動晨彩始忻天宇曠稍見川容改騎

童屢見招舟子亦相待菱荷紛紛菲葭葦青淮淮浮鳥或  
上下游儵自行隊山岡西北鶩江水東南匯羣賢聚城  
邑三載隔江海長懷遠繪繖至性同蕙蒞升高露未晞  
出谷日猶在幽期諒難違黃菊行可采

次鐸志文韻送之歸武昌

崑崙起西極地勢鬱磅礴洪河盪其胸土裂蒼石削羣  
水日夜走風霆無時作泰山天下脊齟齬見峇壑升高  
望三晉黑子僅錯落風氣得精悍人性盡恢廓每聞青

雲器徃往在隱約識子吳楚間貧賤苦不樂手弄珊瑚  
鈎去欲東採藥我畏與子別十夜夢猶愕男兒竟何物  
歲晚或可託北風簸江浪況也蛟龍惡少忍待舟楫送  
子岳麓脚

送張信父

秋水清練練秋色在嘉樹登高騁遠望臨別抒情素朝  
發梁楚郊莫歷燕代路思君無冬春使我煩夙夜幸辭  
案牘勞上直雲霄顧藉之黃金閨寘之白玉署

題畫史朱好古卷

篇中叶  
韻四字

真宰簸素籥笑睨造化爐鼓金鑄賢智搏土作下愚畫

史天機精竊見造化樞盤礴解衣縱

一作後

當軒舐

一作吮

鉛朱霑塗狡兔翰神氣如走珠手掣巨鰲簪痒瘰生肌

膚六丁拔山來下無根與株海風吹之凝纍纍插江湖

其中有幽人傲兀不可呼已知畫手好令我心躊躇五

湖風雨夕徑去理釣舟子技亦精絕白玉無疵瑕誰能

薦天子遣之畫雲臺一朝被賞識富貴真萌芽但訪青

# 牛君乞受黃金壺

叶韻近代用之者鮮獨於五峰屢見之如前詩生與  
尖叶舟取壹芽並與壹叶來與翔叶丘沙淮志求並  
與思叶魚駒並與遊叶颯颯乎騷選之遺音然欲效  
之者必考據詩騷又材老叶音補韻而用之斯為善  
矣不然如閩人以高叶歌韻浙人以藍叶山韻適為  
抵掌之資爾可不慎歟後至元四年五月二十日蔣  
易師  
文書

## 觀龍鼻水贈天柱欽上人

天根盤海底大浪舂其南眾山盡萌芽迸出白玉簪  
灣波蝕之半玲瓏兀空龕其陰生琪玕其陽產榎楠絕頂

逼太白纔可一劍函銀河從天來白鳳毛氈毳魚龍撼  
不醒醉如卧箔蠶其中黑無底銅杖不可探一綫出山  
腹牛乳清而甘清寒漱草木日出香馥馥雲霧忽卷去  
玉氣射紫嵐千峰碧菡萏春霞散紅酣或黝如蒼壁或  
青如揆藍或樹旗杠一或覆鼎足三或扶如怒猊或呀  
如洪蚶或如馬善踈或如虎視眈聳者如樓觀窾者如嬰  
甌仰者如箕踞俯者如負僂或螺髻紺目儼雅如瞿曇  
或龐眉駘背偃僂如老聃矯如天女戲卑如童子參萬

鬼若斲削天巧未易談招提十八寺過者嘗挽轡中有  
天人師久卧老柏庵法界如塵沙一一毛端含長風吹  
游子鬢髮青鬢髮幽尋忽至此佳處若已諳我家鴈山  
頂擇勝不敢貪但悲食糜子腐作書中蟬相逢一大笑  
新詩出長銚明朝夫容路惟聽霜鍾韻

寄達兼善

天風起西北堅冰在河水日車寒易側霜露方泥泥居  
人塗戶牖日晏猶未起客子將安之行役乃不已平生

丈夫願剪髻，弄弧矢，豈不甘陋巷，寧能老桑梓。近者發揚州，舟楫水上艤，幸逢地主賢，設擺共遮止。張燈轉清夜，高論雜燕喜，忽聞故人來，如渴飲醪醴。三年隔江分，終日候河涘，言旋猶望塵，失笑或迺爾。人生一邂逅，亦復自牖牖，明日驅車去，不得待行李。聞將入臨海，相見亦近耳。臨海古壯縣，正在天姥裏，大山插青天，瓊臺屹相倚。東維見扶桑，跋烏有三趾，碧海浸后土，東繞其地底。山上多桃花，雪霜摧不死，我家山之南，欲往亦屢矣。



因君紫旄節去訪白雲子

悼巴陵女

河從積石來滔滔東入海  
逝波何還時誰能坐相待  
妾心比山石之死終不改  
生逢堯舜年賤妾獨何罪

古詩七首

錄五

聖天子龍飛詔被郡國之日  
四海赤子歡喜鼓舞  
布衣臣李孝光輒為古詩七首  
書之所居巢以志喜孝光南人也  
因用南飛覺有安巢鳥為

聲韻次第以自道其鳶飛魚躍之情

青青庭中樹有鳥巢其南戶  
牖聊自謀啄飲性所甘  
中野有矰弋相戒慎勿貪

日出照我屋政見脊令飛  
鳴聲甚和樂永懷家人肥  
兄弟既相好吾生式相依  
恩勤重自將父母詎可違

冬氣漸閉密百物盡零落  
中林有貞姿粲然獨先覺  
尺蠖遽屈伸天運不終剝  
勿言霜露酷熙陽已潛作

考槃在澗谷伐檀寘河干  
利達或忘返處窮亦已難  
中

夜起太息取琴為爾彈  
智士當黽勉仁人良獨安  
旭日始曰旦有鳥鳴嘒嘒壯  
出得飲啄雌居完守巢幽  
人念茲久尼父詎繫匏  
先民重自任貴器藉白茅

衡門有一士

衡門有一士閉門恒苦饑  
俯仰良自惜日晏猶一作空弦

歌小人未足畏君子或見之  
寧為蘭玉摧不為一作願蕭

艾滋

結廬南山下

結廬南山下頗紆故人轍浮沉各自媚長媿生理拙中  
園黃菊花契闊見晚節平生匡濟心敢愛已獨潔豈無  
一樽酒可以療饑渴歸哉視汝菊將恐霜露結

中園

中園斬蕭艾幽花發孤妍紛吾窮所諧乃獨叙汝賢豈  
無桃李花諒非同心言平生屈大夫不為人所憐

與范子擇三首

仁人在高位幽士適中林出處元一致持爾耿介心黃

流受圭瓚秋蘭盈我襟故人既如此朱弦有遺音

夷吾菁茅謀仲父四方翰悠哉南山歌夜永何時旦北風吹短衣千載有餘歎相見且樂酒沉也雲雨散

佳菊有芳氣鳴鴈忽南征故人在海縣重此話平生跡  
跋黃塵下乃見玉雪清丈夫各有適賤貴足交情

賦詩分得欲雪

烏雀不畏人嘖嘖上庭樹蕭條山已一作黃慘愴江氣

日

莫遊子未得歸天嚴風斷渡

送翁景暘作台州掾

門前五株桃春莫始作花勸爾一杯酒丈夫莫思家功  
成持身歸吏民相迎遮男兒自應爾父老慎勿誇

送武呈景耀隨伯氏之金華

驅車出東門車行有離聲升高望城郭嘉樹何青青平  
生畏離別乃復送子行

觀弋陽諸公詩題其後簡劉國瑞

客有袖短牘過我城南陬云是鄉諸老文字吾所收當

窗取之讀驚喜頻掉頭應接不自疲赤手捕蛟蚪往往  
與我會殊源忽同流雄文虎鳳躍清詩千里駒才名自  
如此咳唾傳九州羣公皆高年老拳非衆仇辭醇殆純  
熟智妙足發謀張子吾所畏文成已汗牛徐君金閨彥  
綴久筆不留碧海連月窟雙袖珊瑚鉤爛漫發奇怪天  
公聞之愁署云白玉署足使作者羞顧我方老矣技薄  
詎敢酬攬卷三太息深坐媿冥搜豈無正始音擊壺歌  
不休長恐文獻落見此豈復憂沽酒白門下作賦仲宣

樓放蕩且娛樂馬知敝貂裘

送觀志能分韻得更字

銀河復西傾北斗亦西柄江永秋易風日暮蛟龍橫遊  
子好結束騎馬事秋闕送者來如雨川上舟楫盛畏別  
不忍發天東掛飛鏡照見別離人獨我心怲怲挽鬚祝  
君來持酒勸君更西舫彈琵琶忽作瓶中迸前曲度白  
鶴後曲妾薄命平生烈士心掩耳不願聽男兒樹聲名  
上與古人映願君且自愛聽我洛生詠



與鄭廷舉及其伯氏廷瑞

我行出天台羣山秀如舞大江忽中開金湯踞深阻地  
勢抱鰲頷人家綴蜂戶東南有秀氣天地此融聚眼中  
識鄭君精粹產茲土元方亦儁拔眉秀長鬣古巖君鶴  
髮新諸郎鳳毛吐鄭君愛敬客燈火聽夜雨劇談隱民  
瘼開口見肺腑方今生民困子亦念此否努力樹明德  
非子不與語

贈林泉生兄弟

并序

予八月十八日至錢塘二十二日吳明之自三  
山來會明日林氏兄弟曰泉生同生亦來假館  
因為借仙林僧房居之臨別作此為贈林少年  
有才能為時文聞其父頗種德是二子者食其  
報者也然二子之瑰竒敦雅非長者正其身與  
泉生字清源同生字清流一字亦流

蟋蟀入牀下鴻鴈亦南征江頭送歸客浩蕩萬里情昨  
日始識面已覺畏子行蕭蕭一尊酒悵悵不能傾行子

在道路夢見鶴髮人懸知燈火夕笑語久咿嚶男子四方願養志在致身高樹春色滿待子聽流鶯

書丘老先生詩軸送蔡石雲縣正

仙家有浮玉六鰲引首扛天地結根蒂日月開八窗石  
林千丈碧雲氣樹赤幢颺車不可到羽仙駕飛艘中有  
元氣翁髯紫修眉龐大瓢斟玉酒嗽嚥香滿腔而我來  
問道心拜氣伏降賜之瓊丹笈鏘然發愚蠢大鐘雷霆  
怒鏜鏘誰敢撻歎我髓未洗擣藥開昏矐餉以五彩筆

送以白鶴雙歸來疑夢寐恍恍心如撞長思天風起吹  
渡萬里矸日暖蛟龍出巨石撐晴江

次江存厚遊蓋竹洞天韻

地軸蟠東南水深山幽幽仙人五雲巢皎然墮蠻陬玉  
胎白虹暖石璽青髓流羨門安期生壽考天與儔羽旃  
翠霓旌光耀夜不收芙蓉白玉童居然導神游嗟我聞  
道晚愛閒復好脩坐閱千歲來疾如遞書郵神仙不可  
學茲焉營一丘伐竹構我屋鑿井洗我眸赤脚踏紫鳳

白雲翼之浮翻悲赤松子莫年願封留長嘯揮白羽吾  
將洗吾愁

同靳從矩宿鴈山天柱院

東南地勢下海水復善齧青天久軒輕獨見斗杓揭古  
帝省下土東維成敬缺大靈駿奔走蛟螭改其穴泔水  
縮地入萬鬼拔山出想見風雨黑電火上下挈兩柱俄  
支撐真宰仰咋舌遂令天行健不復見碗髡鬼工巧斲  
削又不見剗剗日月轉半腹隱避若兩蝶我夜卧其旁

戶外白如月開戶天冥冥峯崿立積雪居然渾沌素元  
氣澹不裂平生山水性念此心屢結緬懷萬物初天地  
亦芽蘖衆人如蝼蟻細大強區別俯仰聊自喻白雲一怡  
悅亭午日氣近鳴鳥著清樾我僕膏吾車前路在嵒嶮

溪行分韻得美字

條風泛輕春野碧潤如雨幽人有新懷相攜玩山水巖  
花既菲菲溪石亦齒齒意行無前期適趣成坐起况茲  
豪俊姿陶寫出妙理東山攜妓遊風流未余美持杯勸

松風韶濩忽盈耳歸來樂未央題詩寄幽緒

和叔夏觀石梁二首

六丁運神斧鑿此渾沌素飛梁跨天來橫絕山中路行人不敢過白雲自來去長嘯出山門羅衣翠烟莫

青山栖白雲顛倒寫繪素上有仙聖巢下有猿鶴路秦土窺扶桑此物驅不去至今萬鬼神喑鳴風雨暮

華山有泉石沉碧

土煖山脈潤雨新花氣薰銅瓶百尺便觸裂堦前雲天

元墮空碧萬象涵無垠蛟龍吐水電松窗絕飛蚊

登雞籠山

騎馬出北關去上雞籠山升高望城郭其中多憂患君  
有一丘上長留桂樹間

湖山八景

沙頭酒店

沙頭一作江邊楊柳金蟲落雨過桃花香漠漠沙隄小市如

一作似新豐阿姬十五當壚惡縷金半臂雙鴛鴦翠杓銀餅



一作  
喚一作客嘗嘶殺門前五花馬羅敷有夫空斷腸

山頂樵居

隱者避人如避虎樸素衣冠自中古長老嬉遊類小兒  
一生不識持門戶南山阿婆許嫁女北山老翁自迎婦  
野花竹葉並銀釵山中黃金賤如土

秋江漁火

八月九月風氣肅白波如山楚天綠蒼蒼夜色入蘆花  
船泊中流燃楚竹夜半起坐寒颼颼遙見鷺飛雙白鷗

鱸膾尊羹入我亭，扁舟去趁三吳秋。

曉寺僧鐘

大星煌煌小星落，城頭嗚嗚吹畫角。  
機心莫夜伏不行，鐘聲一鳴羣動作。  
市人射利坐待旦，山居日晏呼不覺。  
嗟嗟居人未足多，鐘乎鐘乎奈若何。

竹引流泉

山頭窪尊積霜雪，銅餅持麩療饑渴。  
汝家阿段太憐君，斬竹來從虎豹羣。  
傳聲夜落青雲濕，坎中已作糟牀泣。

回首碧山心獨苦行逐蛟龍作雲雨

木蔽簷日

綠氣濕濕闌干北赤烏欲下嬌無力解衣盤礴忽倦卧  
蒼鼠時時行壞壁客子觸熱不自憐此豈有意清風前  
屋頭夜色如霜雪却向溪南見明月

龜嶼迎潮

玄靈吐納日月光軒輊大海敲其揚海枯石爛不得死  
甲間綠髮如尺長昔年洛書薦神瑞故龜獨見收文章

天球河圖在東序豈久置汝南海傍

石亭避暑

南山石檻跨幽壑有翬者飛誰所作女媧補天或見遺  
徃徃天陰媁冰雹天邊大火伏不流極南草木含清秋  
老夫年衰畏炎赫朝來忽念山中客

鑑湖雨

越角鑑湖三百曲雨餘曲曲添新綠八月九月風已高  
詩人夜借漁船宿漁翁城中沽酒來筐底白魚白勝玉

當時賀老狂復狂乞得鑑湖此生足

和叔夏寄童質夫

溪頭春水綠欲沾溪上行人馬蹄滑溪山周巾空翠香  
駐馬看山惜不發有客有客蒼髯翁蘭襟蕙帶光參差  
手携鯉魚壓清酒勸我且復留斯須道傍廢垣蘚花裂  
昔人富貴春雲滅此時不飲將奈何為君醉倒溪頭月  
舟中為人題青山白雲圖

江氣巖巖如蛟龍曉風吹落金夫容神女凌波洗雲去

莫為行雨陽臺東  
朝來白雲散白石  
小姑娘  
看翠欲滴  
老蛟化為百歲翁  
彭郎磯頭夜吹笛

秋曉角

青天蕩蕩吞孤月  
衆星熒熒明復滅  
城中雞鳴如蒼蠅  
城頭畫角哀鳴裂  
八月九月風驚沙  
窮邊夜夜吹梅花  
四方無事卧笳鼓  
行子何用思還家

賦絕照法師所畜硯屏山水

東風日莫吹蘭蕊  
美人相思隔江水  
九疑青落九州外

白雲飛高明月死海邊八月客星來一尺銀河三萬里

墨梅

銀蟾呵春墨花碧香落江南濃欲滴孤山招得老逋魂  
白鶴歸來楚雲黑王孫歲晚客京華衣上緇塵深一尺  
小姬未嫁怨東風夜夜高樓吹鐵笛

山宮觀瀑

山宮寺前瀑布流直下千尺垂林丘山僧無燈靜欲死  
夜氣如月空中浮黃河崑崙何壯哉鬼神牽挽天下來

先生藜杖來照影白髮千尺空崔巍

送楊明仲

江春老春濃壓酒神藍按綠營東柳風吹落花飛入城  
行子思歸百回首越雨洗江鴨頭碧舟子牽船蹋沙磧  
蕪花香冷楚鶯鳴比戶琵琶呼磔磔夫君五夜夢封侯  
城中狐腋高於丘泰山桂樹年年綠鳳皇蹋玉聲啾啾

筓

雷公跼跔夜鼓噪驚起龍孫觸旌燾炎沙燒之修尾脫



六丁控搏忽顛倒欲落不落虎豹皮錦裯嬰兒籠大帽  
斧斤幸貸凌雲姿留以觀渠歲寒操

墨竹

蒼髯老翁鱗甲香力能拔山補青岡池邊日日吐雲雨  
道人床敷夜氣涼道人嗜睡莫敕跣阿翁勸爾以一觴  
天邊石上有髯容看汝巉龍頭角長

寄友人

河邊老人念我出遠寄京華書一行為言白髮今多少

又報南園竹樹荒門外石田秔稻熟犢子新生子如鹿  
莫戀官家有俸錢長年作客如東闕

龍鼻水聽琴為劉芳在作

玉筍仙人鞭白犀天風吹度芙蓉溪手脫長劍洗妖血  
驚起石上玄蛟啼炎沙燒尾鱗甲赤腹中慘澹蟠雲霓  
頑鐵出冶太古色霜露欲結風淒淒老翁摩挲莫驚汝  
置之膝上聽其語大聲伏雷鳴地中小聲颼颼吹風雨  
阿香辛苦玉龍睡收霆卷電還元氣領底明珠忽迸落

金支羅襪凌波去江清雲暖天無風暗潮自撼黃銀宮  
紫髯玄甲卧不動真翁龜息深玉踵大笑欠伸忽飛去  
清月瀟瀟在秋水君為我起叩其角我亦長歌返其樸  
却騎過海呼安期送君七尺珊瑚枝

覺此山和尚新住持雙峰作此贊歎之

雙峰矗天佛頭碧雙峰插地滄海黑道人入山化作雨  
藍玉亭邊深一尺光明白氎紅鬢衣說法香南連雪北  
紫皇香案九重天日照麒麟生五色

和薩天錫秋日海棠韻

念奴彈折鴟雞索君王正在彤雲幕內官連夜豎畫幃  
苑中明日東風薄妖環生作傾國姿開元始承恩澤時  
麒麟障泥紅叱撥七寶作鐙黃金羈金烏東來啄大屋  
宮中猶報睡未足翠袖皆塗守宮血專房唯詔環兒獨  
七月七日天無風玉蛛吐漬穠瑜紅錦官進錦囊金鈿  
紫闥車入長生宮驪山瑤池行幸處秋風吹老珊瑚樹  
九華遊魂歸不歸應憶仙人掌中露草木腥腐終無情

美人薄命如花輕古聞公衆祀神妣安用絕色能傾城  
馬嵬岡頭斷消息去時彩雲化為蝶莫歌玉環能浣人  
君看黃菊真顏色

宿雁山下作瀑布詩寄徐仲禮

金臺刺天一萬丈湧出海底開青蓮下有三千六百地  
軸相鈎聯壓徧東南地欲折白龍捲海飛上天雷公擊  
鼓馮夷鞭龍虬入江化為石巨靈扶起太古色應真晏  
坐天人來十八招提若幻出長風吹開天骨碧

張葵齋所藏江一作山風雨圖

元氣菌蠢

一作  
蟲負

生蛟龍銀河倒插金夫容九疑正在九

州外碧樹悄悄連丹楓上有萬古不死之明月下有掀

天巨浪之長江有客有客陸龜蒙往來江南成老翁天

地無家屢回首放船去踏江上之青峰船頭十日懸青

雨風拔銀山映東戶山隨沒鵲落中原水作巴蛇走全

楚向來英雄定黃土空遺絹素流今古天地一合如金

甌萬歲千秋奉明主

次三衛守馬昂書壘韻

主人歌且止聽我為爾歌作壘不厭小買書不厭多地  
上小兒喜夸大睚眦生怒如瞠蛙先生書壘止類巢不  
樹長戟兼橫戈清淨如與聖賢遇高明屢煩神物呵却  
笑飛仙十二城鬼功日夜長琢磨其南通丹穴其東僂  
女倭北引崆峒挹酒之長柄西收西漠專車之木禾嘯  
歌聚族無不可被除安用索與儼羽衣服妖踏白茅朱  
鬢善幻言吐囉而我先生不語怪二氏羞伏面發醜我

壘何所有但聞詩作魔雕鏖奪天巧雅澹消衆疴我壘  
何所有地窄安不頗惟有屈宋字文詩鋸然相戛摩我  
壘何所有而蓄禮士羅羅致盡俊傑往往為么麼我壘  
何所有而無白馬馱羣書汗牛馬不涉流沙河我壘何  
所有而有太白力士鞞著鞭見天子竟往金鸞坡我壘  
何所有而有韓公紫玉珂通籍引金闕不媿國老瞻先  
生寧鈍不為銛寧方不為鉞竊聞先生骨已朽空教衆  
語漫縷覩春秋譌字變亥豕宋楚方言作箕籬後來繼



者浸滅裂何其嬰  
亂相嘔唆紛紜百鳥更啁啾  
安知清廟連猗那  
勿言我壘狹不用革與蓑  
容膝志自足吾其敢嗟  
跼問字函丈間吳焯續四科  
勿言我壘小日月纔一梭  
往來雲漢上飄忽若輕蛾  
組織成文章飛揚如女蘿  
中心若止水水上元不波  
深如相如讀書屋大如堯  
夫安樂窩可以扣我匣中之飛景  
可以理我膝上之雲和  
弦歌以解吾心之蘊結  
彈缺以祛吾愁之誘囹  
如轆而不輻如舟而不能高  
如鶴鳴埵蠹如蜂房渦又如仙

人宅初拔又如野處禮不苛又如橘中飲來去又如樹  
間坐以哦如連移偃蹇如藻井鮫娑又如探虎穴又如  
封蟻柯客至足周旋高論如切磋坐以翟瑜席酌以鸚  
鵝螺佳兒引銀艾諸生避蓼莪我開籠放白鶴臨池看白  
鵝張具設蘊胷中厨營饌鑊綠腰唱昆侖蒼頭彈輦婆  
屢歌明之君舉酒叫姮娥豐草露湛湛流水山莪莪人  
生意氣足可惜奈此明月青天何昔者介推何為乎自  
焚於綿上屈平胡為乎自沈於汨羅何如先生日高官

事了登城照影清江沈日課作詩三百首翻憐筆史傳  
寫訛丈夫作事要磊落布衣狐腋皆委佗海濱白首釣  
鼇客清秋策杖相經過

送達兼善典僉

江頭風多花暗天舟中

一作子

擊鼓牽官船繡鞍大馬來

如煙學士翠鷗袍領妍袖中三尺軟玉鞭手揮送者日  
在山隴西男子更致言東方民力願少寬達官儻索橫  
索錢先生歸到明主前上言赤子天哀憐仁人在位如

解懸大臣不讓臯夔賢天上畫一徽張弦未將鼎俎烹

小鮮如吾但當歸

一作居

力田眼見霖雨開豐年牆下飯

### 牛薺花圓

次歐陽公效孟郊體看綠字韻題慶上人萬竿園

白石如白羊起跪變化速芸芸穉龍雛身與雲俱綠嗟

哉兩神物曾不受迫遂我有囊中方因之試餐玉袖中

釣鰲手十年夢漁屋鳳皇千仞姿未省一枝足自我見

此君夜夜翻凍醪蹋倒山中玉板師春風大笑成三宿

送周生

一作送周子  
善金華教官

二月已莫江水深春風吹折行人心  
山頭明月落未落  
杜鵑夜半莫哀吟泊船上有青楓林

三月欲來花繞陌又唱銅鞮送行客  
男兒莫爾可憐生  
男兒生身好顏色拔劍起舞雞鳴柵

茅山謠送鄧上人

道人兩鬢青如蓮大醉上山捫青天  
青天蕩蕩玉盤出  
引手舉盤天上懸銀河傾倒  
一作顛倒  
一作倒掛  
桂樹影長風吹

香落丹井地上小兒霑玉

一作  
贖

馥白兔急擣玄霜熟惜

惜仙家十二

一作  
白玉

樓

一作仙家十  
二白玉樓

夜半起拂

一作  
看

跋烏

浴手招茅君叫列仙帶劍上立紅雲前茅君騎虎上天

去道人乞我明霞篇

題鐵仙人琴書安

一作  
真

樂窩

舉世之樂無如鼓琴琴可以禁人之邪心易人之哇淫  
舉世之樂莫如讀書書可以絕小人之狹邪履君子之  
坦塗世人為樂千種有不如我樂長可保叶彼有嗜酒

樂飲逢毒若醜豔妻懽娛自令身枯溺貨殖為盜賊積  
崇勢陵人鬼神斷嗔蚤官驕子疾為禍首或世所樂自  
詭神仙累萬人學無一長年有樂放恣毀除鬚髮捐棄  
父母終竟不覺有察於獄謂彼不慚性習浸移久而秦  
甚凡此衆樂豈不可懷不如我樂無患與菑鐵仙左琴  
右書傳終日危坐笑以吟忽見吾詩仰天歌鐵仙豈不  
大樂哉

題周耕雲為蕭元泰畫龍虎仙巖圖

龍虎之山仙所寰我昔夢寐遊其間乾坤風氣結冲秀  
中有正一玄都壇羽人授我九節杖林磴窈窕窮幽扳  
金宮益殿起寥廓翠厓丹爨深迴環峰頭時飄白齒齒  
石上誰種青琅玕諸巖一覽二十四總似瀛渚蓬萊山  
清溪浮空引雪練遠岫隔水來烟鬢就中仙巖更奇絕  
上有玉樹皆團欒虹光半夜出林杪云是石室韜神丹  
欲求乃圭已衰疾羽人去我如飛翰褰裳澗曲采芳杜  
斷猿踈雨春山寒覺來俗事日滿眼歲月冉冉隨驚湍



會稽蕭君忽相訪笑以此圖令我看夢中羽人貌真似  
而我別後鬢毛斑題詩聊復記疇昔願拂塵服高駟鸞

海谷

歸墟谷在渤海東八紘之水注其中不盈不縮浩無際  
吞吐日月涵空濛靈鼈於此負山出上有縹渺金銀宮  
人間相去幾萬里弱水滿眼多迴風琴高來時踏赤鯉  
少靈歸來乘白鴻秦皇到老不得渡嗟我欲往將焉從  
子房有孫海谷子告我有路非難通只隨雲氣相上下

與子共謁扶桑公

龍湫行送軒宗冕歸山

大龍湫小龍湫青天倒瀉銀河流海風吹練白杲杲雪  
花滿面寒颼颼詎那大士濯足處碧波下見長黃虯山  
僧洗盃白雲動澗猿飲子蒼巖幽神蹤隱見不可測幻  
境變化誰能求道人此地昔追遊冷然一錫辭神州天  
香飄飄滿衣袖散作雨露東南陬老夫送別歌龍湫夫  
容花開溪水頭永嘉妙語猶可續永夜松聲消客愁思

君何處寄清夢三十六峰明月秋

與叔夏游石門叔夏很石忽中斷勢若兩虎鬪之  
句余輒足之

很石忽中斷勢若兩虎鬪白龍來喚之仙聖不敢救想  
當二物爭雌雄馮夷擊鼓張其味日車為之翻地軸為  
之仆至今兩門開天遣百水湊吾聞神禹疏龍門蜿蜒  
偃伏夾左右坐令遺黎收樹藝嗟哉神龍之功獨何有

遼人射獵圖

美人貂帽玉驄馬誰其從之臂鷹者沙寒草白天雨霜  
落日馳獵遼城下塞南健婦方把鉏丈夫戍邊官索租

與朱希顏會玉山人家書其壁

小山培塿溝中蛙大山宛轉行黃蛇風吹海霧麴塵起  
山頭紅樹紅如霞東來明月無根蒂我行忽至山人家  
山人好事喜客至賓客滿屋書滿車眼中頓有玉人兩  
膝上文度鳴嘔啞祝婦家傾伯倫釀驅兒手煮盧仝茶  
彌明結喉石鼎句禰生頓足漁陽搗原上脊令古兄弟

山中雞犬秦桃花百年富貴漫稱意歲月袞袞春江波  
跖顏天壽不足惜蟲沙猿鶴令人嗟我起勸爾一杯酒  
但持仁義終身多今夕何夕且樂飲奈此明月青天何

太乙真人歌題蓮舟圖

鐵雅評曰此作乃是李騎鯨也孰謂此老推鈍無爽

氣耶二鳥  
作日月看

銀河跨西海秋至天為白一片玉夫容洗出明月魄太  
乙真人挾兩龍脫巾大笑眠其中鳳麟洲西與天通扶  
桑乃在碧海東手把白一作綠雲有兩童掣鬚二鳥開金

籠

歙硯歌

渴龍夜飲天池水六丁揮戈斷其尾  
黑風吹落歙山深化作玄精石中髓  
山深夜飛神光良工盜發天所藏  
鑿開蒼厓斲寒玉磨礱秋水歸文房  
元氣淋漓翠光濕松花香碎蟾蜍泣  
醉埽郇公五色雲倒鳳顛鸞秋瑟瑟  
誰能持此歸玉堂經天緯地成章月  
中老兔吹寒芒與君同上青雲鄉

送林彥清

有客新自東方來  
瞳子如月無纖埃  
言昔東見容成君  
接上軒轅張樂之  
層臺手捫青天冷  
至骨白榆列宿何  
崔嵬軒轅仙成去  
已久皆騎威鳳驂  
龍媒珠璫明佩隔  
風雨天門晃朗相  
當開仙家玉女少  
愁思踏雪雙歌紫  
雲迴君嘗教我三  
洗髓已覺靈氣生  
根茲我時坐客桂  
樹下縱之使言手  
拄頰容侶師橫差  
短耳眼似恨小髯  
鬚鬢不見橫君三  
十年眼中見子吾  
已衰却憶相攜入

鴈谷山中二月如天臺風吹桃花行水面大笑酌我紫  
霞杯客今好遊自不惡名山徃徃多竒才儻逢俗子莫  
與語世貴瓦缶輕尊罍舟行江中慎濯足磯下乃有鼈  
與能更莫然犀照水怪自倚善幻驅霆雷望見九華足  
雲氣一上絕頂驅蓬萊

和陳叔夏章字韻詩送此山師

天孫織錦當朝陽銀梭札札回天章麒麟鳳皇映東壁  
煌煌珠笈帝所藏分送天人寶華雨紫狐夜泣龍髯塵



袖間明月大如屋老蛟來飲銅盤露天孫何曾辛苦為  
東風吹綠雲錦機娉婷盈盈渡河漢世上那有新相知

信筆次潘一水韻

牆陰梅花上朝日一線微陽落東壁白頭老子居戶中  
諸生授經爭擁膝下帷罷講進盤餐肯蓄雜羞行上粟  
只今生年八十餘耳目聰明好顏色抑搔說帶見鮒文  
戶牖無風養龜息去年媪病入修夜壁間遺挂皆陳迹  
百憂熏心損老氣十夢九見空惻惻作詩遠寄平生素

但云衰朽傷宿昔土田腴瘠付兒耕  
籽軸軒輶無婦織  
食肉徒悲鮓齒生著書幸留瞳子碧  
君看朝露落復乾  
莫持憂患橫眉臆前日鴈歸初北鄉  
行見南賓飛歷歷  
北鄰笙竽屋瓦振卧夜裁能專一席  
百年榮華不滿眚  
學道無方如轉石盜跖豈能賢孔顏  
富貴壽夭非人力  
聖朝天子政好老我願先生起華國

送陳君禮之婺女兼寄徐仲禮

陳公子騏驎駒駘一日馳萬里珍怪生從渥洼水不隨

衆馬仰秣芻，要駕亦莫牽。鼓車陳公子，公起為我舞。我  
能為爾歌，古來豪傑不擇術。蕭曹刀筆終身多，身為國  
士足可惜。致主堯舜，今如何。陳公子，努力富貴，勉自強。  
白髮坐見千丈長，鄒陽枚乘馬足學去學。董子登賢良，  
讀書未及無。一作復讀律脫令貧賤，猶馨香。陳公子，我之  
故人，柏臺史三年不得書。一紙鞭麟笞鳳作官府，往往  
吹笙碧雲裏。夫容衣裾雲錦，構手奪天巧。天孫愁，豈憶  
故人在下土。夜半短衣行飯牛，陳公子，我有幽蘭白雪。

之古曲不辭為我歌  
宿宿有使東來即寄書  
莫學故人忘我為

送方叔高賦得長安道

灞陵橋上秋風早  
行人曉出長安道  
長安城頭烏正啼  
長安陌上聞朝雞  
征車遙遙行復止  
征馬蕭蕭鳴不已  
將軍年少美且都  
黃金箭鏃雕玉弧  
未央前殿進書罷  
諸生拜官辭石渠  
將軍歸去亦草草  
長安道邊人羨好  
莫憐賈誼謫長沙  
不見馮唐禁中老

鐵笛歌為鐵厓賦

鐵厓道人吹鐵笛宮徵含嚼太古音一聲吹破渾沌竅  
一聲吹破天地心一聲吹開虎豹闥彤庭跪獻丹宸箴  
問君何以得此曲妙諧律呂可以召陽而呼陰都將春  
秋一百四十二年筆削手譜成透天之竅價重雙南金  
掉頭玉署不肯入直入弁峰絕頂俯看東溟深王綱正  
統著高論唾彼傳癖蕪書淫時人不識我不厭會有使  
者徵球琳具區下浸三萬六千頃之白銀浪洞庭上立

七十二朶之青瑤岑莫邪老鐵作龍吼丹山鳳舞江蛟  
吟勗哉宗彥吾所欽赤泉之盟猶可尋更吹一聲振我  
清白祖大鳴盛世載賡阜財解愠南風琴

北風寄陳輔賢

蕭蕭北風

一作北風蕭蕭

吹客船月未出海天蒼然客子放歌

脚一作

扣舷蕭臺東頭天裏海蕭臺西頭山刺天君行

西過釣臺口寄謝江邊老病叟坐看雲臺落人手丈夫

宜敢愛微軀奈此黃花一尊

一作酒體要分作

杯二首誤

十五夜泊舟渚磯

采石不見李太白騎龍上天吹紫笙天上甚樂苦無酒  
東游十二白玉城蛾眉亭下明月出牛渚磯頭春水生  
一鶴西飛向何處惟聞萬壑松風聲

天台道上聞天香

八月天台路清風物物嘉晴虹生遠樹過雁帶平沙日  
氣常蒸福天香喜釀花門前五株柳定是故人家

越州郡庠壁和顏氏子韻

歲月渺無涯，居然鬢髮華。  
乾坤難屢旦，霜露菊猶花。  
城裏鑑湖稻，山陰日鑄茶。  
東南好官守，行子莫思家。

送友人

依依涉野水，渺渺渡秋陰。  
短褐北風急，布帆南斗深。  
行酬丈夫願，乃見故人心。  
莫作長回首，因風惠好音。

久客寄劉弘度

有客淒涼甚，思家少定懽。  
夜深知笛短，秋半覺衣單。  
積水葦絲滑，高田豆葉乾。  
月明星露墜，慎莫倚闌干。



江心寺贈唐博士

銀浪舞輕航，天風赴石塘。  
六鼇扶地勢，萬象發天光。  
樹湧中流碧，蓮生隔浦香。  
潭龍莫一作深臥，一雨九州涼。

涼

送薩郎中賦得新亭

登高望吳楚，芳草滿汀洲。  
離別安足念，英雄翻百憂。  
山河吞故國，江漢入秦州。  
今日新亭飲，因君感滯留。

代友人送于彥明之鄞

詩舸幾時發秋風海水腥雲分鴈宕路江繞鮎埼亭大  
府文星聚名山僧氣靈憑君道問訊無恙讀書螢

送裕上人歸儀興

行尋桂樹隱已與菊花期江永魚龍夕風高鴻雁饑獨  
憐相見晚况復欲歸時楚雨楓林黑勞子入夢思

送客

出門嚴鼓後送客入舟時已自傷羈旅令人畏別離江  
蟠全楚地山掩小姑祠歲晏多風雪題詩寄所思

次薩天錫韻題鐵塔寺壁

平生謝太傅勝日得重臨地勢吞吳盡江流入楚深金  
湯非舊國棟宇尚青林野露溥黃菊獨為游子吟

東林寺

騎馬過東林當塔入綠陰路斜瑤草合雲去落花深老  
至况獨立興來時一吟數來成故舊相對挽重臨

次韻虞學士見寄

白髮眉山老玉堂清晝閒聲名滿天下翰墨落人間才

俊賈太傅行高元魯山獨憐江海客尊酒夜闌珊

匡濟

春風起天際遊子若為情多病仍羈旅令人白髮生  
山連二楚壯地入九江平匡濟寧無術栖遲敢自名

寄勞于彥明自歸吳

去及花時暖歸塗暑雨霑樹涼人憩午江熱馬行鹽不  
畏黃金盡祇愁白髮添君看雙燕子隨意入人簾

題留侯廟

感慨留侯廟曾聞客下邳  
手扶仁義主身是帝王師  
興漢功居最存韓志可悲  
如何劫高后反使卯金危

寄夏友伯

長憶浣花宅醉君雙玉瓶  
春風吹白髮山雨隔青燈  
臥病從無客居閒欲似僧  
何時溪上路倚杖看魚罾

送張子約

繫缺高歌裏丈夫輕別離  
雞鳴裏行橐燈暗覆殘棋  
行矣復何適嗟哉我所思  
且歸慰妻子莫學五羊皮

秋岑

更覺秋岑碧能尋勝日躋樹涼來鶴鶴山斷見虹霓  
穉子行相問幽人去不迷雨餘天姥出吾欲涉丹梯

遠山

樓前萬里月窈窕碧峰孤江上自濃淡雲間疑有無  
行人穿亂樹落日界平蕪佇立有真意陰陰鳥自呼

綠水

青春足新雨漪綠上魚磯積翠疑  
搖眼拖藍欲染衣雲

行天影動風颭日光微竚立無人見沙禽背艇飛

五馬呈昂夫大尹

五馬何時發聊逢勝日留天晴占鼓角地濕謹衣裘願  
試匡時畫歸余理釣舟浮雲浩今古別地望神州

送公子趙去疾二首

縣縣萬里道利涉有方舟城郭通吳會江源起益州圖  
經聞白帝祠祭遇黃牛他日浣花老猶能作勝游

辭吳向三楚送遠指秦川高鴈憂離罟輕鷗不避船天

青微露下江黑大星懸  
郢曲長多怨聞歌祇自憐

次天錫題暢曾伯幽居

淮水清瀾瀾好山多近邨  
市收僧乞米舟樣客過門  
燈火鄰家夕風沙灤水昏  
卜居諳土俗野老舊能言

馮秦卿藏書

榮中富貴傳賓客盡能文  
屬世方橐武無人學解紛  
劒成猿接木圍合庶號羣  
官作清時好長吟生一作坐白雲

和蔡石雲縣尉



西岑路滑不可上我此曾搆六尺藤塔頂雲凝明似鶴  
松根石老瘦於僧玉簫冉冉飛春縣畫舸耽耽颯夜燈  
聞有丹霞舊門戶欲參大意與誰升

賀梅

水落山空百草乾天公玉女耐高寒松根雲煖客吹笛  
竹外月高誰倚門歲晚王孫猶怨色天寒公主欲歸魂  
北風端是春消息吹得雪多花更繁

泊舟姑蘇臺下

霸主吞雄事莽然空遺陳跡向千年天寒笛起孤城裏  
日莫舟行積水邊萬里飛鴻如識路故園黃菊不勝妍  
吳王臺沼連衰草惟有西山出斷煙

冶城飛龍亭詩卷

翠蓋鸞旂殷繡牆南公揮涕話先皇鴻宮望氣成龍虎  
法駕吹簫引鳳凰今日畫圖看御幄當時草木識天香  
先生曾對明光殿奏報新松似鶴長

送青玄觀道士玉泉

淮南道士傳鴻寶，眸子照人雙電光。貫日白虹生玉氣，  
出山青髓射天漿。去年蹋雪尋丹井，連日題詩滿畫廊。  
長憶青玄送客處，柳花無數繞衣裳。

送陳玉林歸集慶永壽宮

天繞龍宮日月低，六龍

一作鸞輶

曾駐冶城西祠

一作龍

光午

夜入牛斗玉氣千年成

一作歲生

虹霓承恩已報紫旌

一作苑

節奉使

一作受詔

屢上黃金闈，神嫺靈

一作媛仙

官守桂樹銀榜

一作東明 碧鏤自天題

送王伯循

使者樓船鼓三疊猶見車前白鷺翻莫嗔惜別把衣袖  
他日為誰沽酒醪龍蛇未蟄江水壯鴻鴈欲動秋風高  
槐樹東頭讀書處更憶君家雙鳳毛

送仲亨文學精舍山長

子合談經上石渠更從文學住精廬到家為覓言偃宅  
弛擔先藏笠澤書日落青天猶過雁雪消新水欲生魚  
傳聞聖世求遺士倘召君乘謁者車

遊雙峰贈覺上人

茶具酒壺從兩童入山慎莫作息息雪消新水鴨頭綠  
沙暖小桃猩血紅吾意生人行樂耳只今杯酒與君同  
依依藍玉亭前路他日重來憶遠公

代人送友

別離未是尋常事要見丈夫兒女情太傅中年猶作惡  
阿蒙三日即知名北風鴻鴈天籠野落日牛羊路繞城  
我亦平生四方願先生未可辦歸耕

登平山堂故址

今為司徒廟

蜀山有堂已改作騎馬出門西北行日落牛羊散平楚  
風高鴻雁過三城山河已失金湯固汗竹空遺帶礪盟  
駱駝坡頭孔融墓令人憶爾淚縱橫

寘磁甌於硯池旁以蓄水十餘日前得桂花二枝  
插瓶中數日花葉皆萎落戊辰早乍聞香氣滿室  
視之兩枝皆再作花葉亦鮮碧佛書云天風吹萎  
花更雨新好者感之為賦詩云

六六畫欄生晚涼青鸞對舞渡銀潢十分天上山河闕  
萬斛人間雨露香珠佩風清生闕  
玉壺冰薄吐蟾光

白銀金闕紅雲合金粟繽紛七寶床

用前韻寄張尊師

鴻雁南飛草木零放歌重上草玄亭坐深狂客俄吹帽  
語久清童屢觸屏晏歲風多衣自短空山月出酒初醒  
江南客子歸來得漂泊何須影問形

次張伯雨韻寄徐聞遠真士

金少曰八  
卷十二  
好閒還尋幽子廬習靜自與外人疎牛羊半下日夕後  
鴻雁大來宿雨初黃菊未疎急釀酒碧山可數聊停車  
眼中之人美無度十日不見九寄書

登石頭城二首

登高悵望謝家墩千古風流酒一尊城郭已非空故國  
英雄垂盡只遊魂天圍建業山形斷日落淮南海氣昏  
未信浮雲能蔽日欲占北斗問乾坤

石頭遺堞滿蒼苔前日英雄安在哉芳草離離為誰綠



野花漠漠向人開  
鼎湖雲暗龍先去  
建業城荒鳳不來  
二月江南梅未發  
北風日夜漲黃埃

過關

何日先生起九原  
已將靈氣返山川  
論詩轉覺庾陶近  
佐主終慚稷契賢  
拱木笙竽猶落日  
荒丘翁仲只寒煙  
當時故物青山在  
說到英雄意惘然

鄱江寺擁翠樓

縹緲新居一握天  
好山將綠到樓前  
煙霏入闥清談麈

紫氣薰人濕坐氈未放白雲分榻住愛看青雨映簾懸  
自憐華髮江南客也為登臨憶仲宣

元日陪趙相國家宴

紅光瑞氣起曩曠元日尊疊對上公轉午東風生渤海  
指寅北斗直崆峒天垂紫蓋黃旌外人在瓊林玉樹中  
喜關承平新氣象三關合侍大明宮

送伯循御史天錫照磨至龍灣留別

西日杲杲馬蕭蕭君行不行手屢招舟人夜語見月出

客子別愁須酒澆，霜天欲雨鴻雁去。  
秋風未落河漢搖，寄語揚州張仲舉。  
月明何處聞吹簫。

同吳明之在靈峰作

人言萬壑爭流勝，故作雨中藤一枝。  
楓樹朝來青鼠出，竹根日暮白鷗飛。  
要看雲起水窮處，政在峰迴路轉時。  
莫道白鷗機事少，只今野老亦忘機。

次陳輔賢遊雁山韻

竹杖梭鞋去去賒，一春紅到杜鵑花。  
山椒雨暗蛇如樹。

石屋春深燕作家，老父行尋靈運屐。道人喚喫趙州茶，  
明朝塵土芙蓉路。猶憶山僧飯一麻。

鶴

胎化有鳥，今千年俯啄瑯枝，飲醴泉，縞帶長身，通夜白。  
丹砂塗頂，入秋圓山空，蕙帳客初去，月落竹房，僧未眠。  
高氣出塵如玉雪，長風萬里趁飛仙。

發舟錢唐

五年羈客留荆楚，今日江頭把繡衣。鴻雁夜飛天氣白。

蛟龍畫蟄水妖微，彈冠終坐王陽起。敝褐何年季子歸，  
一舸南遊真勝事。幽期未與故人違。

次達公晚過釣臺韻

杳杳青楓江水暗，客星遺廟映江花。空聞使者來持節，  
猶有祠官裸聚沙。平日故人多禮數，終身高誼厭紛華。  
漢家九鼎如山重，霜露淒然在蒺藜。

為陳師復賦喜白髮之什

畎畝平生足憂患，愛將短髮照滄浪。意憐得見從渠白。

却笑緣愁祇自長秦羽終慚頭有憤馮唐未負老為郎  
角中小製聊容世漫向春風舞欲狂

避風龍潭五日登岸即事

建業放舟下京口候風三老正高眠歌長且復忘羈旅  
遊遠何如歸力田茅屋晨炊繫牛犢叢祠社祭落烏鳶  
故鄉風動渾相似祇憶南溪躡釣船

送客

攜手出門倍惆悵北風吹丹楓樹林柵中雞鳴天地醒

城頭雁去江湖深行人萬里少歸夢烈士向來多苦心  
東西相望道路遠一書會抵雙南金

送人還鄱陽

東西湖水百花洲行子歸時雪已收明日可能隨客去  
浮雲自足使人愁重來柳樹應千尺相見梅花隔數州  
我亦高歌望吾子春風好在仲宣樓

同薩天錫飲鳳皇臺

鳳皇高飛橫四海錦袍猶賦鳳皇游天隨沒鵲低淮樹

江學巴蛇入楚流動業何如飲名酒衣冠未省識神州  
天涯芳草萋萋綠王粲歸來更倚樓

次薩天錫登石頭城

西州門外石頭寺共說英雄綠鬢凋王氣黃旗千歲盡  
水聲廣樂六時朝白鼉表壞埋珠柙玉燕釵飛墜藻翹  
重到謝家攜妓處維舟寂寞聽春潮

送國侍者

離別還同箭離弦題詩修竹記他年蘆人楚語時相問



估客巴歌也自傳遙望牽颿上南斗正逢飛鴈出青天  
綿綿遠道勞歸夢忽見梅花意惘然

送魯公還秦南

一作舟中  
上趙相國

錦衣樹燾向秦川有客將離獨黯然日食猶分丞相餅  
傳呼自媿孝廉船春風過鴈青天外莫雨行人積水邊  
應到清湘聞欸乃楚儂此曲至今傳

正月十四

一作  
五

夜宿巢縣

一作  
東州

旅食荆吳改歲年春風遠道思綿綿青山故繞周瑜墓

明月猶窺亞父泉，楚縣城荒餘畫角。巢湖日落有歸船，  
天涯芳草萋萋綠。想見登樓憶仲宣。

送鄞縣尹

秋風吹汝鬢成絲，移病還家竟不疑。官是伯強曾補處，  
身如元亮已歸時。青山老去渾相識，黃菊平生最受知。  
我亦相從上吳會，夕陽騎馬看殘碑。

題本覺寺空翠亭

琅玕十畝映江渚，天籟沈沈欲下來。已見鳳毛霑雨露，

長疑龍氣挾飛雷，樹團車蓋春陰合。  
月射金銀夜色開，中野白雲如白石。  
不辭一日到千回。

十六日宿蕪湖縣

蕪湖縣南泊船夜，欲霜天色已蒼蒼。  
雲山欲曙江流紫，洲渚初昏燒火黃。  
自笑頭顱向華髮，尚為羈旅適他鄉。  
東船西舫無人語，可惜窗中明月光。

喜雨次神字韻錄呈達兼善

淨洗煩冤六合新，清晨沙路絕輕塵。  
太山自古興雲雨。

卷十二  
淫祀何勞走鬼神，淝水急流舟欲起。  
巢湖浮黛畫初勻，客游甚憶魚羹飯。  
歸到江南及莫春。

和張顏樂秋夜聞蛩

西風蟋蟀共悲涼，病木飄殘託腐腸。  
鄰媪秋來借燈火，行人夜語怨參商。  
啼殘紅葉催霜雨，吟傍黃花飲露香。  
商榷秋風與秋月，腹中那有許雌黃。

和人遊雁山家字韻二首

北雁山中路詰曲，夕陽木杪見人家。  
筍輿穿樹驚霜葉。

桐杖敲雲損土花白鴈秋高還蕩頂流螢月黑出簷牙  
息息但得皮膚耳出外逢人莫浪誇

峽中鍾磬十八寺山腹茅茨三兩家雨後亂溪清似髮  
霜前病葉赤於花懸厓萬仞塗猩血怪石千株插犬牙  
牢絆芒屨行一月出山慎勿向人誇

入鴈蕩山

此詩鴈山志  
作吳學禮

興國年間路始開前朝碑墨半蒼苔鴈橫宕月知秋到  
僧踏秋雲看瀑來一嶺未教靈運識萬松誰道了翁栽

此山曾共秋風約說與山猿不用猜

牡丹

富貴風流拔等倫  
百花低首拜芳塵  
畫欄繡幄圍紅玉  
雲錦霞裳躡翠裯  
天上有香能蓋世  
國中無色可為鄰  
名花也自難培植  
合廢天公萬斛春

松風閣

謾謾長松作人語  
開門出聽又千回  
海潮欲上寒江動  
瓦屋微鳴小雨來  
不用吹笙隨燕婉  
如聆廣樂上蓬萊

往年曾向三茅聽餉我丹砂滿玉杯

送人游天台

此去蘭亭修禊後平明驅馬試征衣  
海邊山盡天無盡  
花底春歸人未歸  
一浦潮生魚入市  
千山月上鶴投扉  
追遊二十年前路  
孤負東風賦式微

冬日見桂花

北風吹倒碧琅玕  
金粟栖枝露未乾  
翠氣遙連仙掌曉  
天香微墮玉壺寒  
明蟾照影臨丹闕  
青女銷香著畫欄

可是天翁露消息小春先得一枝看

訪王君濟

好溪沙渚更停橈來訪仙人王子喬稚子候門如有喜  
故人索酒不須招門含古樹春先到簾映青山雪未消  
老子紅顏如昔日只添白髮不相饒

寄同別峰

雨灑高城柳散絲扁舟長憶送君時前時書去惟憑客  
今日詩成欲語誰修竹娟娟當石淨歸雲故故入山遲



平生不解求人識  
慚媿黃金鑄子期

碁

國手功名滿世間  
幾多奇思上眉端  
人心險處千機變  
局面危時一著安  
陳入烏江迷項羽  
勢窮赤壁走曹瞞  
近來黑白無分曉  
輸與樵翁冷眼看

七月十四夜宿東縣明日登山上亭

海上歸來訪舊遊  
草堂開宴醉新秋  
金花木落魚初鱠  
玉液香浮酒旋芻  
展席涼風依綠樹  
振衣斜日濯清流

五年不見孫郎面一笑相看總白頭

送友人金陵漕運

金陵從古帝王州漕運君今事勝遊  
丹鳳有臺春樹老烏衣無國夕陽收  
潮聲挾雨翻蛟室山氣浮雲結蜃樓  
白髮高堂日相待早回蘭橈莫淹留

讀陶隱居九錫文錄呈趙虛一真士

獨鶴能空雞鶩羣仙階還許世人聞  
題詩未倚李太白學道願從茅長君  
白鹿隨車繞山木丹砂出鼎染溪雲

先生少留亦不惡共讀華陽九錫文

過山寺

隔谿茅屋半開扉綠護晴林晝打圍野鹿飲泉山影動  
幽禽出樹岸花飛百年往事回頭換一路斜陽送客歸  
要識上方何處是鍾聲隱隱隔煙霏

雨後邨行二首

雨過沙頭落漲痕滿林紅葉自紛紛水平路面高低見  
風約溪聲斷續聞老屋無橋橫獨木滄洲欲雁起寒雲

殘蘆頭頂花如雪莫是吟人鬢上分

澤國秋深景物非西風獵獵又吹衣  
路行落日離人去山破寒煙獨鳥飛  
潮信到灘推月上鄰家停火候船歸  
邨醪香軟鱸魚美自笑吟邊貌不肥

苦竹邨

籃輿軋路高低苦竹邨南古峴西  
草舍爨茆留客飯麥田焚棘斷人蹊  
花梢春意闌禽語石磴霜痕印虎蹄  
心自愛閒身尚役好山何處是真棲

十里

官河十里數家莊石埠門前繫野航  
梅月逢庚江雨歇  
稻花迎午水風涼橋橫自界邨  
南北堠斷難知里短長  
倦矣野塘行瘦馬雲山杳杳復蒼蒼

秋晚別業偶成

平原渺渺路西東豆葉纔黃柿半紅  
獺下江潭塘水涸  
鼠歸墻屋野田空燒煙不斷經秋旱  
草露無多徹夜風  
行過小橋人住處短籬清曉護畦菘

為學古澹藏主題安慶金君美秀野次潘仲舉韻  
戶外黃塵滿地流亭邊山色轉幽幽牛無令鬪殘吾竹  
客與俱來上某丘池上小風花樹午夜深疎雨榻林秋  
老翁獨樂寧非計正使先生憶釣遊

送萊藏主

日日秦淮送客船江中八月雨如煙道逢鴻雁東南去  
眼見蟾蜍四五圓美酒相看不成醉黃花別後為誰妍  
貉裘已敝秋風起我正思歸種石田

用羣字韻寄伯雨尊師

使輶草草索離羣  
南北東西不更聞  
別去廿年如夢寐  
山頭一日忽逢君  
蓬萊閣裏呼明月  
撫掌東邊洗白雲  
詩律老蒼無可說  
祇須出酒覓論文

商山四皓圖

帝憂女主重廢嫡  
人料子房宜與謀  
盟詛不虞高后劫  
卑辭翻為建成籌  
腹心已去悲歌起  
羽翼雖成女禍留  
俱墮術中曾不寤  
先生輕出後人羞

次伯雨韻

佳士望見知耐久俗子定交心已疎中林有客賦招隱  
後日何人問遂初達官不入禰衡刺逸史會給陳農車  
我見彌明太玩世自言不解人間書

次仲舉韻送亭上人

垂垂笠子上吳船

一作夜闌石鼎車聲苦

去過

一作夢繞

揚瀾浪蹴天

狂客還尋破蝨錄清童解識

一作答

野狐禪江來全蜀如

衣帶雲破中原見岳蓮唯有天邊

一作恨殺秦淮

舊時月還隨



老子發殘年

一作向人離  
別照年年

次王彥謙韻

昇州逆旅竟何物  
安識人間有子房  
東野英年空說劍  
臨邛當日亦求鳳  
魚生春水桃初雨  
雉沒高原草欲香  
寄語歸來雙燕子  
烏衣巷口又斜陽

送姚子章慶元帥府掾

東方幕府才華盛  
值世承平息虎貔  
陳琳何煩工草檄  
退之莫倚愛題詩  
海靜蛟龍怕鐘鼓  
天清蠻蜚識旌旗

前日元戎為飲酒深衣寬博錦紳垂

飲濡須守子衡君宅

客子東來向西楚  
河流兀兀舞輕舫  
雪消巢縣青山出  
雨後焦湖春水高  
賴有使君持玉節  
未須故舊問綈袍  
眼中賀監文章伯  
又使時人見鳳毛

十六日弛僮廬州城西長安寺

廬州夜宿長安寺  
紉紉城頭鼓正嚴  
獨立春風猶問馬  
愛看明月自鉤簾  
從人勸酒拈浮蟻  
有客哦詩擬撒鹽

幸得梅花照殘夜未妨長嘯倚東檐

送堅上人還雲門次顧仲瑛韻

送客去游梁楚間桃花開半含花斑幽蘭白雪令人瘦  
鳳皇麒麟何日還江作蛇行過全楚天將雲去見三山  
借問石城在何處不緣離別損朱顏

次韻王彥強見懷

美人住在雲門西望到每朝烏欲棲近報練舟來候我  
寄將錦字是親題荷花日落江相映芳草春深路轉迷

更憐把燭裁詩夜還夢城南舊主啼

賦得越山越水

一作越上  
又作鑑湖

賀家湖上又

一作  
裏見

秋風放翁宅前東復

一作  
湖水

東兩行雲

樹忽遠近十里荷花能白紅遊人濯足銀河上越女梳頭青鏡中我欲張帆上南斗扶桑碧海與天通

送劉好古歸武昌

游子結束向何處城中雪花幾尺圍去家萬里多夢見辭親十年今始歸道士吹簫赤壁下行人泊舟黃鶴磯

我亦張帆拂南斗，卧看明月去如飛。

用馬中丞韻送志能賀冬之京師

停酒更唱車遥遥，官船打鼓回春潮。  
鳳曹合引金闈彥，驄馬尚隨方蓋輶。  
五日樂成黃道正，萬年觴進紫宸朝。  
清班陪謁三雲殿，仙伯神官手屢招。

梅魄

處士孤魂不可招，夜深疑與雪俱消。  
香流東閣風吹樹，夢過西湖月滿橋。  
隔歲冰霜衰契濶，空山玉雪想孤標。

蕭蕭翠袖令人瘦莫遣樽中一片飄

越鄉次舊韻

興來不買剡溪船  
疋馬衝寒款著鞭  
遶驛水聲殘雪夜  
半橋山影夕陽天  
雁橫雲宕猶千里  
春入梅花又一年  
喚僕更尋前處宿  
有詩還和舊時篇

白沙早程

聽得鄰雞便問程  
前途猶有客先登  
官河半落長橋月  
僧塔疎明昨夜燈  
古渡潮生鷗浸夢  
野田風急浪歸腥

雁山喜入新詩眼踏破秋雲最上層

樂成

萬葉蕭蕭獨厭聽長江日脚未全晴  
豆遺晨攏芽齊白  
稻盡秋田孕更青  
偶向前邨逢斷岸  
欲尋古寺傍山行  
嫩寒日莫添蕭索  
無那新來禁酒亭

辛亥玉川問歸

松菊當年手自栽  
故山招我賦歸來  
石橋衝曉霜蹄滑  
梅路偷晴雪眼開  
家在夢中猶未到  
春於臘底已先回

關河風景依然在，千古興亡付一杯。

丙子泛舟登輿

雞埒豚穿半榛荆，邨北邨南感易生。  
雨過雪消連日凍，潮平水歇下塘聲。  
鴉啼古樹寒煙濕，人謁荒祠小艇橫。  
一段鄉情渾漠漠，隔江斜日暗孤城。

次晚春韻

燕幕沈沈春晝永，閒敲碁子小闌東。  
拍天漲綠連朝雨，滿地殘紅昨夜風。  
草際夢回詩有債，柳邊寒薄絮無功。



韶光暗換年年事莫遣閒愁著鬢中

東林廢寺

白社寥寥度歲華客來猶記話分茶  
橋橫山郭前溪路樹隔厨煙何處家  
官馬放歸門逕草野僧移去石泉花  
荒原相接多鄰冢祭婦人還噪奠鴉

送多爾濟國王之遼東

奕世名王策駿功建分茅土鎮遼東  
玉符金印傳孫子鐵券丹書誓始終  
滄海斷霞連虎帳黑河飛雪暗瑯弓

莫忘聖武艱難日  
四傑從容陟降同

和宋學士晚出麗正門

暮光霞彩炫金題  
絳闕高居雉堞低  
上相樓臺連御苑  
中郎車騎過沙隄  
阜雝孤拔凌雲翮  
紫雁雙翻蹠雪蹄  
回首上林涼月夜  
葢珠多是鳳皇棲

送陳杏林赴潮州醫學教授

三千驛路上灘船  
九品醫官半百年  
藥市得錢添月俸  
杏林收穀當公田  
北書漸覺江鴻遠  
南食初嘗海鱸鮮

不用越巫驅瘴癘家家傳取衛生篇

宿魏仲遠宅

每憶君家好兄弟輕舟遠出踐深期春風吹雨曹娥渡  
夕照滿山虞舜祠即問寒暄如夢寐各言加飯慰相思  
重來應記呼燈處夏蓋山前月上遲

郊禮慶成

郊丘親祀自吾皇夙駕鑿輿建太常冕服並行周典禮  
樂歌不數漢文章清臺夜奏靈光紫溫室朝迎瑞日黃

今代侍臣多馬鄭明時應許議明堂

送閣學士赴上都

從官萬騎擁鑾輿東閣詞臣載寶書  
雨過草肥金絡馬月明山轉紫駝車  
龍庭日近瀛洲路灤水天高玉帝居  
明日仙凡便相隔少年察吏漫躊躇

按五峰集向來失傳僅得曹侍郎秋岳編輯抄本癸未春朱檢討竹垞從樂清搜得弘治甲子樂清令懷遠錢杲慎齋所刊本合之允稱大備近體五言如雁山作云山空綠自語雲唳鶴初醒鍾山云井沈龍虎窟岡斷鳳凰形贈建禪師云茶香鄰屋借芋熟騎童分次王宣政園亭云池開搖倒影木落見孤根七言

如送叔夏云東日燕翻芹雨暝別時人趁榴花涼和  
王修竹時思菴韻云移來怪石欺僧瘦種得新松共  
鶴長雲林清遠圖云風高碧入金莖露月出青回玉  
樹煙容孤山云江山有待詩應老天地無情客漫狂  
三益堂芙蓉云守宮血暎娥池曉翡翠巢香玉井寒  
送趙岐山云北風吹黑貂裘領明月磨青寶劍花戲  
簡王季行云蒲萄釀酒澆鸚鵡桐葉題詩味鳳凰呈  
元澤云酒無著處紅生面老欲來時白上頭皆極新  
警之句也  
附摘於此

陪薩使君飲酒鐵塔寺分題得籜龍軒分韻得而  
字

琅玕盡靈種玉立近東池已與風雲會終含冰雹姿氣

酣猶鼉負鱗動覺之而雨暗思雷澤天清入葛陂鳳毛  
當戶見蛇影到杯疑神物煩呵護應看變化時

竺雲為曇上人作

陰何體

雲來自西極駘蕩復委蛇影度流沙曉峰臨鷲嶺竒從  
龍飄宛轉觸石起參差光擬鳳毛紫清同玉葉垂夫容  
連華岳綺藻映天池五色主祥瑞賢人懷羽儀

玄真館飲酒分韻得衝字

良朋謝悃悒仙賞屬玄冬野淨梅將發山乾雪不封生

萋近芳節出日媚川容愁用詩  
滄浣寒憑酒折衝幽人  
每多暇俗子自無悰聊以共

一作供

娛

一作怡

悅詎知靡萬

鍾

題李子雲白雲窻

白雲如白月宛宛復離離青霓依澗出玉葉映簷垂詎  
闕飛花度還同病鶴窺紛暉含戶牖倒影散園池近看  
吁欲落佇立意俱遲坐卧常相對成峰晚更奇

聽雪為趙本初作

金少卿八言  
卷十二  
玄冬易蕭瑟積氣但清寥夜嚴方有覺天靜不成囂深  
坐愁如見微聞去已遙新暉留素魄妍密屬青腰聲虛  
知拂竹花重想封條高居爾最樂難拔俗人標

送廉公亮僉事江西

除書下北闕使牡指南州暫輟紫霄顧遙瞻畫閣秋官  
清持玉節天近見珠旒報政民安作聞謠雨不愁梅花  
當路發月影入江流定有登高賦應將勝日酬

遊雁蕩



盤盤古蕩倚蒼穹，勢壓坤輿距海東。  
異境從真三島外，羣山呈技五雲中。  
玲瓏勝插連星斗，杳渺神鼇戴華嵩。  
香霧千屏金沆瀣，煖霞萬簇錦芙蓉。  
峰亭玉女螺鬟髻，瀑瀉冰簾雨氣濃。  
怪底雙鸞翔彩鳳，嶄然絕壁挂蒼龍。  
展旗輕颺神僧洞，天柱相高玉筍叢。  
偃蓋紫芝當錦帳，挺標卓筆對天聰。  
北瞻瑞鹿晴嵐薄，西遡飛泉紫翠重。  
鉅宦來觀留好句，名才遠訪暢幽踪。  
躋攀適帶琴尊並，嘯覽紛陪杖屨同。  
倦客豈知今再到，老僧能記昔相逢。

冰盤甘脆傳秋果芳飮新柔薦晚菘遠社飛杯深繾綣  
贊房對榻重從容晁衣楓錦飄階葉吹佩松濤度曲風  
悟趣只知玄圃近探幽擬與虎溪通挂巾五老窺靈穴  
脫屣常雲濯劍鋒涵日影搖臨水塔破煙聲度隔林鍾  
千年紀載文光爛數日盤桓目力窮鐫石題詩狀難盡  
遍圖勝槩貯詩筒

題倪元鎮紈扇

野水見落日幽人殊未還白雲滿洲渚搔首問青天

題松雪竹石

幽篁碧悄悄白石白粼粼  
帝子吹笙罷月明愁殺人

子昂畫

汀洲木葉下斜日倚湘娥  
我欲采芳草洞庭秋水多

倪氏雨竹

落日楚江深鷓鴣啼遠林  
相思不可見池上寫春陰

寶林八咏

錄一

飛來峰

山侶琅玕小地將秦望雄越王歌舞處長作梵王宮

江邊

江邊孤樹猶碧天際白雲自流七十二灘浩蕩夕陽照  
見歸舟

雪晴

雪乾玉飯初香月瘦珠胎猶小開門不見耀仙白鶴橫  
江清曉

簫臺八景

雲門福地

古帝南巡事已非  
土階茅屋尚依依  
夜深月底吹簫去  
度得雲門一曲歸

蓋竹洞天

蝙蝠翻雲似白鴉  
石林玉氣亂晴霞  
山中雞犬應相笑  
溪上紅桃幾樹花

雙瀑飛泉

雨洗天根雲洞幽  
黑蛟飛電舞長湫  
只應壯士思酣戰

組練相銜夜不收

簫臺明月

山月崢嶸露玦環  
石樓香冷白雲閒  
玉簫吹裂階前竹  
騎鶴仙人去不還

白鶴晨鐘

風約疎鐘下窈冥  
天南曙月颭飛星  
駝鳴閭闔囂聲起  
老鶴巢深夢未醒

紫芝晚磬

蕭蕭清磬出雲遲  
月死空林日氣微  
重過紫芝山下路

壞橋

一作垣

燈火照人衣

東塔雲煙

海月四更移塔去  
天風萬里擘松開  
煙銷日出無人到  
獨自看雲山上來

西岑松雪

山上行人如凍蠅  
西厓日出澹青瑩  
太陰積雪草木縮  
留得孤松長挾苓

六月初十日雨止月出坐大桂樹旁西風先秋

軟玉衣裳翡翠環暖笙初學鳳綿蠻廣寒宮闕西風緊  
一夜天香滿世間

得故人書

風前一紙故人書上說相思下起居却道梅溪新事業  
聲名全勝紹興初

春風

春風隨處作春晴楊柳依依綠未成昨夜池塘新雨足



蛙聲剛亂讀書聲

過釣臺

赤龍已挾故人飛，却愛清江理釣絲。  
入覲息息謀去就，當時猶悔見機遲。

農事

落日蜻蜓處處飛，  
橫花門巷豆花籬。  
行逢野老問農事，  
稻雨濕衣香未知。

天台道中聞天香寫贈胡仲賓

萬斛天香夜氣收  
曉風涼月釀清秋  
詩人試與評花品  
定是人間第一流

送李仲羽歸江東因寄伯循御史

江中八月雨如煙  
去買徐州送客船  
采石山頭送李白  
身騎明月上青天

送蔡飛卿之維揚

送君直渡秦淮水  
風急桃花飛過江  
自有行人回首處  
并州山色滿船窻

送緱山侯氏宅

海東明月九萬里  
照見山頭白鶴還  
竹几匡床清似雪  
不知門外是緱山

贈靈巖秀禪師

北林日午煖如烘  
盡日溪行曲折中  
自愛敲冰看魚上  
山頭樹影落溪紅

雪屋為通上人作

倒挽天河轉翠微  
玉蚪鱗甲滿天飛  
道人結屋東邊住

愛看晴花不掩扉

偶書所感

鐘鼎山林易地難  
丈夫出處正相關  
繡鞍大馬都門道  
却憶西樓看碧山

清明郊行

清明處處麥風斜  
詩老得閒長在家  
遠樹小邨千瓦雪  
不知落日上梨花

贈胡仲賓

九月風多袷褐單  
劍光抱月忽飛還  
人言華頂峰前路  
正在白雲飛處山

送輔賢出山作首尾吟二首

儒官不畏簡書催  
拄杖休驚石上苔  
行到水窮雲起處  
路從四十九盤來

路從四十九盤來  
樹底看雲首獨回  
客裏不知身是客  
向人猶愛話簫臺

送人

江上晚山無數青行人草草似流萍水邊燈火官船發  
五十長亭第一亭

次薩使君韻四首

烏兒繩床詩夢熟驚聞風雨欲翻江酒醒憶是長蘆寺  
半夜松聲繞北窓

大江北岸望南岸山色微茫似破罽石馬麒麟竟何有  
南公空說晉諸陵

使客息息感歲華杏花消息又桃花江南佳麗春風見

柳絮樓臺十萬家

江氣蕭蕭如過雨  
起看北斗挂船頭  
猶憶前年稱使客  
卧聽笳鼓入揚州

新月

光中新見仙人跡  
桂樹初生影未濃  
仰望青天如止水  
西頭一瓣玉芙蓉

九霞聽松圖

不到茅山又五年  
煮茶更試碧雲泉  
山中百事便靜者

惟苦松聲攪醉眠

夜夢老人身長而我冠自稱住釣臺僕意其為嚴  
子陵居旁者曰此朱元晦也夢中作詩遺之既覺  
猶能成誦

赤龍飛起九天開緣底先生住釣臺昨夜月明煙水濶  
白鷗飛去又飛來

簡古元瑞上人

竹扉花牖雨聲新一榻清風不著塵石筍山中舊時客



幸來相就說前身

過青楓嶺王貞婦廟

山下江流幸自清  
山頭明月已無情  
此心若媿王貞節  
莫向清楓嶺上行

寄朱希顏二首

城頭

一作中

鼓鑿

一作鑿鼓

雨淒淒溪

一作舟

子牽船上惡溪會

有行人回首處

一作回首意  
中人不見

兩邊楓樹郭公啼

江邊鴻鴈下  
年年客子何由兩鬢玄  
七十二灘秋月白

荻花風落釣魚船

寄達兼善

城上烏啼欲閉門蕭蕭風雨又

一作近

黃昏無端畫角連

雲起鐵鑄梅花亦

一作也

斷魂

寄薩天錫二首

月子纖纖青海頭使君

一作船

昨夜過揚州城中高結

一作

琴瓊花樣

一作曲

去聽吹簫何處樓

二月江城未見花笛聲哀怨起誰家曲中大半傷離別

馬上無人寫琵琶

祠宇觀登樓三首

先生長出訪丹砂去入何宮道士家不是山南即山北  
款門先覓看黃花

鳳凰臺前看明月姓名從此落人間西風昨夜吹庭樹  
又逐閒雲過別山

祠宇觀前斲茯苓偶登高閣眼為青西南到江三百里

只此

一作似

案頭雙硯屏

舟過吳江二首

十五女郎可憐生牽挽百丈踏泥行洗脚上船歌白苧  
春風吹過闔閭城

二十四番花信老溪頭紅減綠初肥東君也是多情思  
盡日扶持柳絮飛

懷薩使君

人到中年畏別離况逢多病轉相思夜深風雨滿高竹  
自起挑燈讀寄詩

華山圖

紫髯綠髮如飛仙，白驢偷喫種芝田。  
二月三月春氣盛，山頭桃花紅入天。

萊上人弱水頌

豈無船筏奈君何，生怕無風水自波。  
碧海倒流三萬里，手提明月上銀河。

次韻薩天錫雜詠四首

題一作門人至從書鳳寫字誰憐可博鵝獨露亭中未

歸客嬾聞成癖奈詩何

烏衣更無王謝宅青山好在仲宣樓南堂明月無人管  
清簟疎簾夜夜秋

僧學蜜蜂開牖戶山中八月未知秋銀床正換養花水  
屋上一聲黃栗留

明月相窺憐我瘦幽雲不動妬僧閒病餘無力看賓客  
獨露亭南數碧山

陪觀志能薩天錫二使君遊城西光孝寺

客子知寒歸未歸北風鴻鴈又南飛東家借馬看黃菊  
頭白山僧開竹扉

次薩郎中次蕭御史韻送薩郎中

樓上吳姬唱竹枝東風正急紙鳶飛客遊先自無聊賴  
况是離人作惡時

老鶯

千絲影裏一梭金織得閒愁滿綠陰花外不知春已去  
綿蠻猶自語芳心

金史四庫全書  
卷十二  
次崇禧真人徐景周韻送茅山鎮長馮秦卿

與君遊久最知我借問誰能似我閒  
即買扁舟過淮去  
舒州城上望鍾山

次薩天錫韻

江上楊柳又青青  
雙槽復作鵝鶴鳴  
中流擊楫渡江去

夜半啼雞一作雞鳴非惡聲

病起用伯循御史韻二首

何言痛飲是吾師  
病覆壺觴亦廢詩  
客久自應甘寂寞



獨憐夜雨打窻時

病起無聊帶減圍  
看花驚有未開枝  
主家十二樓中見  
爛漫春風祇自知

題王士讓御史所藏畫卷

風雨回舟

天昏地黑蛟龍惡  
風雨如山擘不開  
舟中自有刺蛟手  
笑殺舟師捩舵回

古廟折碑

山上荒祠山下溪  
繫牲斷石是誰題  
落日行人更回首  
青楓樹裏鷓鴣啼

送茂上人二首

五湖春水綠溶溶  
兩岸花開鬪白紅  
欲買扁舟隨汝去  
卧聽疎雨打南篷

二月狂風已不禁  
天籠大野日陰陰  
高齋一夜聽新雨  
想見城東柳色深

病中

日夜東風相蕩磨故應地上落紅多更須病起能拈酒  
可奈東池芍藥何

書岳法師屏

眼中有客久不見長見白雲成往還風著紙窗疑是雨  
酒醒忽憶在南山

宿秦樹灣

棗樹灣西亂石砧蕭蕭落木見秋江漁郎擊楫悲歌意  
不道風吹上客窗

江頭春日

江頭楊柳弄黃金  
柳下春江綠已深  
可見東風能富貴  
吹將紅紫上園林

送上虞黃萬石作天台教

昔年曾向天台去  
走上瑯樓看日生  
跳出海波三丈許  
始聞山下一雞鳴

次薩使君六合詩韻二首

瞿塘雪解水初迴  
浪觸金山怒轉雷  
惟有詩人天亦愛

迎船怪雨為君開

夢驅樞郎發船去兩舷成與歧龍撞醒時呼童開戶看  
月在青天天在江

用志能臺郎韻寄薩使君今為江南諸道御史臺  
令史

金盡壯士安足惜酒多好懷聊復開昨夜東家借生馬  
昇州高處望君來

題李遵道枯木竹石圖

自少...  
卷十二  
謫仙夜入雷電室捕得飛來石上梭却斫靈查挂明月  
橫吹玉笛上天河

十二月十三日登鳳凰臺望淮南雪中諸山蕪書  
道上所見二首

雪花一丈欲齊樓人住鳳凰臺上頭雪隔淮南數千里  
青山斷處是滁州

貂帽金鞵綠袴襦騎童自狎小羶車黃金博得歌姬笑  
却笑先生夜讀書

次梁有章韻

誰憐范叔老猶寒  
客裏兼旬酒盞乾  
天若無情天亦老  
自調絳綺向君彈

懷薩使君二首

憎夜還聞蟋蟀吟  
定知秋色上青林  
坐看黃葉落四五  
記得題詩入綠陰

山雨蕭蕭到楚回  
夜涼鴻雁漸應寒  
題詩滿壁無人看  
墻下玉簪花又開

送謝仲連小關巡檢

承平已久桴鼓息事簡官清只煮茶  
山崦東西足僧寺  
時時騎馬看黃花

送衛縣尹

軒轅羽仗上雲霄  
天上瑤臺絳節朝  
桂樹陰陰明月出  
畫屏西畔聽吹簫

靜軒卷

沈沈院落無人語  
燕子歸來柳絮初  
行繞東池日卓午



春風吹亂一牀書

病中

化工弄春手未滑虛負幾番花  
信風自倚東園花未遍  
故將小病惱詩翁

丙子五日雪

一題作  
雪夜

南土冬暄又無雨今年春雪沒  
行車夜深戶下一作如  
月白自起開窗讀漢書

送馮秦卿

天下承平邊事小將軍卧治莫談兵  
公庭吏散無來客  
自數堦前過鼓聲

送宋武官尉安康之桐城

令人作惡惟離別今日江頭送客還  
贏得秋風斜照裏  
倚蓬滿意看青山

送宋武臣之桐城

欲霜江氣已颼颼鴻鴈南飛木葉愁  
好為故人連夜飲  
平明笳鼓出揚州

用觀志能韻寄薩使君

杏花落後見辛夷烈士無歌憶別離  
春草池塘蛙吹早  
斜陽巷陌燕歸遲

過賈元實宅

共過故人溪上宅春風野水欲綿綿  
先生半月無詩思  
恐有新詩在雪邊

趙汝甫枯木竹石卷

中林黃葉淨云云眼底崢嶸見此君  
清曉東池看黃菊

鳳毛無數落春雲

姑蘇臺

閶門楊柳自春風  
水殿幽花泣露紅  
飛絮年年滿城郭  
行人不見館娃宮

折梅

短棹扁舟泊釣臺  
寒梅一樹倚雲開  
折花非為添題品  
要看春從何處來

喜聞開經筵口號

封事如蠶照綠函九闕虎豹靜眈眈天垂赤縣神州外  
地入黃旗紫蓋南

送人兼簡丁仲容

忽憶龍河水西寺兩株桂樹繞千回若見阿蘇煩借問  
汝耶何日浙東來

題竹

翠袖臨風一悵然雨餘草木亦娟娟東頭夜半明月出  
照見蛟龍石上眠

九日登應天塔

寶林寺裏應天塔老子題詩最上頭  
九日登高望南北  
青天只尺是神州

柳橋漁唱

楊柳橋頭楊柳青西邊即是越王城  
城中大官聽豔曲  
半是美人腸斷聲

古長信秋詞

輦路青苔雨後深銅魚雙鑰畫沈沈  
詞臣還有相如在

不得當時買賦金

吳王納涼圖

六月長洲水殿涼  
酒酣揮袖倚新妝  
芙蓉露冷秋雲薄  
回首西風響簾廊

遊艮嶽

一沼何堪役萬民  
一峰特使九州貧  
江山假設方成就  
真箇江山已屬人



元詩選二集卷十二